

FORSKRIFT OM POLITIVEDTEKT, SVEIO KOMMUNE, HORDALAND. (Framlegg av 14.03.2018)

Heimel for kommunal politivedtekt følgjer av lov om politiet av 4. august 1995 nr. 53 § 14 fyrste ledd.

KAPITTEL 1. ALLMENNE FØRESEGNER

§ 1 - 1. Offentleg stad

Med offentlig stad er det meint gate, veg, fortau, sti, medrekna gang - og sykkelveg, park, torg eller liknande, plass, bru, bryggje, kai, strand, anlegg eller annan stad der det er allmenn ferdsle eller som er meint for allmenn ferdsle.

§ 1 - 2. Ansvar og plikter for festar, brukar, leigar eller styrar av hus eller grunn

Dei pliktene som er lagt på eigar av hus eller grunn, kviler også på den som festar, bruker, leiger eller styrer eigedomen.

KAPITTEL 2. ORDEN PÅ OFFENTLEG STAD

§ 2 - 1. Ro og orden på offentlig stad

På eller like attmed ein offentlig stad må ingen vera med i oppløp, samanstimling, larm eller bråk som uroar allmenn orden eller ferdsle.

Den som ferdast på eller like attmed offentlig stad, pliktar å halda nattero mellom klokka 23.00 og 06.00.

Dersom mange menneske samlar seg ved inngangen til forsamlingslokale, sports plass, utsalsstad, haldeplass eller liknande, skal dei stå i kø og elles retta seg etter dei pålegga som politiet eller arrangøren gjev for å halda ved lag allmenn orden eller regulera ferdsle.

§ 2 - 2. Køyning, camping med vidare i parkar, grøntareal, friområde og liknande.

I offentlege parkar, grøntareal, friområde, på, ved eller under vegar eller plassar i tettbygd strom er telting, camping eller liknande forbode, med mindre anna kjem fram av skiltinga på staden.

I offentlege parkar, grøntareal og friområde er det forbode å køyra og parkera motorkøyretøy, med mindre noko anna går fram av skiltinga på staden.

§ 2 - 3. Framvising og andre publikumsretta aktivitetar

Den som på eller ut mot offentlig stad vil opptre eller utføra andre publikumsretta aktivitetar, må på førehand gje melding til politiet, uavhengig av om aktivitetane skjer ved bruk av høgtalar og liknande.

Det same gjeld den som på eller i nærleiken av offentlig stad ynskjer å nytta gåande, køyrande eller flygande reklame.

§ 2 - 4. Farleg eller skremmande verksemd

På, ut over eller like attmed offentlig stad er det forbode:

1. å skyta med gevær eller anna skytevåpen, under dette paintball, softgun, boge, sprettert og liknande.
2. å brenna av krut, fyrverkeri eller eksplosive stoff utan at politiet har gjeve løyve. Det er ikkje eit slikt krav om løyve for godkjent fyrverkeri som skal nyttast i tidsrommet 31. desember kl. 18.00 til 1. januar kl. 02.00.
3. å kasta eller sleppa stein, snøball eller anna som kan vera til skade eller ulempe for dei som ferdast der.

KAPITTEL 3. SIKRING AV FERDSLA

§ 3 - 1. Hindringar

På eller ut over offentleg stad er det forbode å plassera eller montera noko som kan vera til hinder eller ulempe for ferdsla eller som hindrar fri sikt til trafikkskilt og liknande.

Markiser eller anna som heng utover fortau, skal på det lågaste vera minst 2,5 meter over bakken.

§ 3 - 2. Dyr

Det er forbode å la husdyr gå laus på eller ved offentleg stad utan forsvarleg tilsyn.

§ 3 - 3. Aktivitetar

Politiet kan forby kvar einaste form for sport, leik eller spel på bestemt offentleg stad når dette er påkravd av omsyn til ferdsla eller den alminnelege orden.

§ 3 - 4. Ferdsla på islagt vatn eller sjø

Politiet kan av tryggleiksgrunnar forby eller gje regulerande føresegner for ferdsla på islagt vatn eller sjø.

§ 3 - 5. Sperring av offentleg stad

Krev byggjearbeid eller liknande at fortau, gate, veg eller et annan offentleg stad blir heilt eller delvis sperra for eit avgrensa tidsrom, lyt ein på førehand søkja løyve frå politiet, som kan setja nærare vilkår.

§ 3 - 6. Byggjeverksemd med vidare.

Reising, riving eller reparasjon av bygning, graving eller anna arbeid på eller ut mot offentleg stad der det kan bli fare for ferdsla, skal på førehand meldast til politiet. Politiet kan fastsetja korleis arbeidsstaden skal sperrast, og krevja andre tryggleikstiltak til vern for publikum.

§ 3 - 7. Sprengingsarbeid.

Sprenging på eller like attmed offentleg stad skal på førehand meldast til politiet, som kan påby særlege tryggleikstiltak.

§ 3 - 8. Vedlikehald av bygning med vidare.

Ved vedlikehald av bygningar med vidare på eller ut mot offentleg stad pliktar den ansvarlege for arbeidet med ein gong å setja opp avvisarar som gjer det tydeleg at det er farleg eller til ulempe å ferdast der.

§ 3 - 9. Fare for ras frå tak.

Når det er fare for at snø eller is kan falla ned frå hustak mot offentleg stad, skal eigaren straks setja opp avvisarar som gjer det tydeleg at ferdsla er forbunden med fare eller ulempe, og snarast syta for at taket blir rydda.

§ 3 - 10. Fjerning av sperrer.

Avsperringar, avvisarar og liknande innretningar blir fjerna når slikt arbeid som er nemnt i §§ 3 - 6, 3 - 7 og 3 - 8 er utført, eller faren eller ulempe som er nemnt i § 3 – 9, ikkje lenger er til stades.

KAPITTEL 4. REINHOLD PÅ OFFENTLEG STAD

§ 4 - 1. Reingjering av lys - og luftegraver.

Eigar av hus eller grunn mot offentleg stad pliktar å syta for reingjering av lys - og luftegraver som er i beinveges nærleik til eigedomen.

Reinholdet skal gjerast slik at det blir til minst mogeleg ulempe.

Kloakksluk må ved reinhold ikkje tilførast oppsop eller liknande.

§ 4 - 2. Rydding av snø etter ras frå tak.

Eigar av hus eller grunn mot offentleg stad pliktar etter ras frå tak å rydda fortauet utanfor eigedomen for snø og is.

§ 4 - 3. Avlaup for vatn.

Eigar av hus eller grunn mot offentleg stad skal syta for at avlaup for vatn i fortau, rennestein, grøft eller liknande blir halde ope .

KAPITTEL 5. HINDRA FORSØPLING OG TILGRISING

§ 5 - 1. Hindra forsøpling og tilgrising.

På, ut over eller i beinveges nærleik til offentleg stad er det forbode:

1. å kasta avfall, under dette glas, flasker, spikar, papir, tyggjegummi og tobakksprodukt
2. å grisa til med måling, tusj, sprayprodukt eller liknande på overflate mot offentleg stad, under dette på eller ved bygning, gate, veg, park, anlegg, innretningar og transportmiddel

3. å henga opp kunngjeringar, plakatar eller liknande, utan løyve frå politiet. Dette gjeld ikkje oppslag på tavler eller liknande som er godkjende av kommunen til slikt bruk, eller oppslag på eigedom om tilhøve som berre vedkjem eigedomen eller næringsverksemd til dei som disponerer eigedomen.

Det er forbode å riva, skada eller skjemma oppslag som er sette opp lovleg.

Oppslag skal fjernast når dei er forelda.

4. å urinera utandørs i tettbygd strom eller på stader der det kan verka sjenerande på andre.

§ 5 - 2. Rydding ved kiosksal, tilskippingar og liknande.

Den som driv med sal frå kiosk, uteservering, gatesal eller anna liknande næringsverksemd på eller ut mot offentleg stad, skal syta for at området ikkje blir skjemt eller skitna til av verksemda, og pliktar å syta for at det blir sett opp tilstrekkeleg tal med korger for avfall. Rett etter stengjetid pliktar verksemda å rydda området og fjerna avfall som skuldast aktivitetar frå verksemda.

Den som held tilskipping på offentleg stad, skal syta for at papir og anna avfall blir fjerna etter tilskippinga.

KAPITTEL 6. OFFENTLEGE ANLEGG

§ 6 - 1. Kyrkjegard og gravplass

På kyrkjegard og gravplass er det forbode å sykla, aka, driva sport, leika eller gjera anna som ikkje sømer seg der.

Det er forbode å trengja seg inn på ein kyrkjegard når han er stengd.

KAPITTEL 7. TILSKIPING PÅ OFFENTLEGSTA D

§ 7 - 1. Søknadsplikt for tilskipping på offentleg stad

Den som på offentleg stad vil laga ei tilskipping som hovudsakleg er av underhaldande, kunstnarisk, selskapeleg eller kommersielt slag, òg som har ein storleik som vil føra med seg trong for omfattande reguleringar av ferdslø eller vakthald, må søkja om dette innan ein frist som politiet set.

Politolova § 11 gjeld tilsvarande.

§ 7 - 2. Meldeplikt for allment tilgjengelege tilskippingar.

Den som vil halda ei tilskipping som er tilgjengeleg for ålmenta, må i god tid i førevegen senda melding til politiet når tilskippinga sin type eller storleik gjer det sannsynleg at politioppsyn blir naudsynt av omsyn til ro og orden eller avvikling av trafikken. Dette gjeld og så når tilskippinga ikkje skjer på offentleg stad.

Meldeplikta gjeld òg samankomst eller tilskipping som hovudsakleg er av selskapeleg eller underhaldande art for medlemmar av ei foreining eller liknande samanslutning.

Politolova § 11 gjeld tilsvarande.

§ 7 - 3. Offentleg tilskipping som barn har tilgjenge til

Barn under 15 år har ikkje tilgjenge til offentleg allment tilgjengeleg tilskipping utan at dei er i følge med foreldre eller andre føresette.

Politiet kan gje dispensasjon ved tilskipingar som er laga spesielt for barn og unge under 18 år.

KAPITTEL 8. PANTELÅNARVERKSEMD

§ 8 - 1. Pantelånarverksemd.

Den som har fått løyve til å driva pantelånarverksemd, skal føra protokoll, autorisert av politiet, over alle lån og kjøp. Politiet kan setja nærare vilkår for verksemda.

KAPITTEL 9. YMSE FØRESEGNAR

§ 9 - 1. Forsøming av plikt.

Forsømer nokon å utføra det vedkomande har plikt til etter vedtekta eller etter pålegg gjeve med heimel i denne, kan politiet la det bli utført på vedkomande sin kostnad.

§ 9 - 2. Straff

Brot på føresegner gjevne i vedtekta eller pålegg gjevne i medhald av vedtekta, blir straffa etter politilova § 30 nr. 4, om ikkje tilhøvet kjem inn under eit strengare straffepåbod.

§ 9 - 3. Iverksetjing.

Denne vedtekta trer i kraft 1 månad etter at ho er stadfesta av Politidirektoratet.

Frå same tid blir forskrift av (02 - 05 - 03) nr. 445 om politivedtekt for Sveio kommune, Hordaland, oppheva .